

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 39. stav (5) i 52. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25) i Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ Budžeta Zeničko-dobojskog kantona za 2025. godinu - Izvor 10 („Službene novine Zeničko-dobojskog kantona“ broj:13/25 i 17/25), na prijedlog Ministarstva zdravstva, Vlada Zeničko-dobojskog kantona, na 108. sjednici, održanoj 12.12.2025. godine, d o n o s i

O D L U K U

o usvajanju izmjene Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ Budžeta Zeničko-dobojskog kantona za 2025. godinu- Izvor 10

Član 1.

(Predmet)

Usvaja se izmjena Programa utroška sredstava Ministarstva zdravstva, budžetska organizacija 01, potrošačka jedinica 0001, ekonomski kod 615100- „Kapitalni transferi drugim nivoima vlasti - za zdravstvo“ Budžeta Zeničko-dobojskog kantona za 2025. godinu- Izvor 10 („Službene novine Zeničko-dobojskog kantona“, broj: 13/25 i 17/25), koji čini sastani dio ove odluke.

Član 2.

(Način realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-22225/25

Datum, 12.12.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
o izmjeni Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ - Izvor 10 Budžeta Zeničko-dobojskog kantona za 2025. godinu

Član 1.
(Predmet)

Ovim Programom vrši se izmjena Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ - Izvor 10 Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 13/25 i 17/25).

Član 2.
(Izmjena tačke VI. KRITERIJ ZA RASPODJELU SREDSTAVA)

U tački VI. KRITERIJI ZA RASPODJELU SREDSTAVA podtačka 1. mijenja se i glasi:

- 1. Program utroška sredstava JU Kantonalna bolnica Zenica koji je dopisom broj: 01-11-8487/25 od 26.11.2025. godine** za dio planiranih sredstava za ovu zdravstvenu ustanovu dostavljen Ministarstvu zdravstva, a obuhvata sljedeće nabavke:

Red. br.	Vrsta ulaganja	Iznos u KM
1.	Nadogradnja informacionih sistema na Odjelu radiologije i Odjelu patologije	2.807.626,00
2.	Idejni projekat sa studijom izvodljivosti za izgradnju novog objekta Kantonalne bolnice	0,00
3.	Nabavka medicinske opreme	1.434.936,00
4.	Nabavka nemedicinske opreme	256.230,00
UKUPNO (1+2+3+4)		4.498.792,00

JU Kantonalna bolnica Zenica dopisom broj: 01-11-716/25 od 30.01.2025. godine obratila se Ministarstvu zdravstva za obezbjeđenjem sredstava za nadogradnju informacionih sistema na Odjelu radiološke dijagnostike i Odjelu patologije. U dopisu je navedeno da se na Odjelu radiološke dijagnostike radi o zastarjeom informacionom sistemu (iz 2009. godine) koji ne podržava savremene softverske mogućnosti novih aparata, što utiče na kvalitet i vrijeme eksportovanja slika, a samim tim i na vrijeme izdavanja nalaza, dok za Odjel patologije nije ni bio nabavljen specijalizirani softver. Kako se radi o odjelima koji pružaju dijagnostičke usluge za veliki broj pacijenata rješavanje sistemskog povezivanja se smatra prioritetnim. Sistemskim rješenjem – nabavkom novih softverskih rješenja i opreme za digitalizaciju na Odjelu patologije i nadogradnjom već postojećeg PACS sistema na Odjelu radiološke dijagnostike (IMPAX) bi se ubrzao proces rada, poboljšali radni uslovi i dugoročno unaprijedio rad ova dva odjela. JU Kantonalna bolnica Zenica naglašava da je planirana nadogradnja u potpunosti kompatibilna sa postojećim softverima, odnosno da softver ispunjava DICOM i HL7 standarde.

U Program javnih investicija Zeničko-dobojskog kantona za 2025.-2027. godinu uključen je kao projektana ideja Projekat izgradnja novog objekta Kantonalne bolnice Zenica. Za izradu

idejnog projekta sa studijom izvodljivosti za navedeni projekat planirana su sredstva u iznosu 300.000,00 KM.

Dopisom JU Kantonalna bolnica Zenica broj: 01-11-5369/25 od 08.08.2025. godine zatražena je izmjena programa utroška sredstava, a prema zahtjevu za preraspodjelom sredstava u Budžetu Zeničko-dobojskog kantona za 2025. godinu sa pozicije 614100 LAX010- „Tekući transfer za JU Kantonalna bolnica Zenica“ na poziciju 6151000- „Kapitalni transferi drugim nivoima vlasti -za zdravstvo“ u ukupnom iznosu 633.792,00 KM.

Prema zahtjevu planirana sredstva se povećavaju na stavci nabavka medicinske i nemedicinske opreme u ukupnom iznosu 633.792,00 KM.

Dopisom JU Kantonalna bolnica Zenica broj: 01-11-8487/25 od 26.11.2025. godine zatražena je izmjena programa utroška sredstava, a prema zahtjevu za unutrašnjom preraspodjelom sredstava unutar planiranih sredstava za JU Kantonalna bolnica Zenica u dijelu planiranih sredstava za Idejni projekat sa studijom izvodljivosti za izgradnju novog objekta Kantonalne bolnice u iznosu 300.000,00 KM. Imajući u vidu da se ova sredstva ne mogu realizovati jer procedura javne nabavke nije okončana planirana sredstva za ove namjene se preusmjavaju na nabavku medicinske opreme čije su procedure javnih nabavki okončane u toku 2025. godine, a čija je nabavka bila planirana iz vlastitih sredstava JU Kantonalna bolnica Zenica.

Broj: 02-11-22225/25

Datum, 12.12.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.